



SAKSFRAMLEGG

Sakshandsamar: Meline Heimdal Haugland	Arkivkode: FE-233, FA-D10
Arkivsaksnr: 20/497	Løpenr: 21/8949
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	02.12.2021	127/2021

Rullering av handlingsprogram og prioritering av spelemiddelsøknader 2021 Kommunedelplan for idrett, fysisk aktivitet og friluftsliv 2014-2024

02.12.2021 Kommunestyret:

Handsaming i møtet:

Rådmannen sitt framlegg til vedtak vart samrøystes vedteke.

KS- 127/2021 Vedtak:

Samnanger kommune vedtek handlingsprogrammet for 2021-2024 og prioriterer søknader om spelemidler til ordinære anlegg og nærmiljøanlegg som følgjande:

Ordinære anlegg:

1. Dagsturhytta ved Kvernesvatnet

Nærmiljøanlegg:

1. Fleiraktivitets-område ved Lønnebakken. Prioriteringa føreset at dokumentasjon og finansieringsplan er i orden.

Rådmannen sitt framlegg til vedtak:

Samnanger kommune vedtek handlingsprogrammet for 2021-2024 og prioriterer søknader om spelemidler til ordinære anlegg og nærmiljøanlegg som følgjande:

Ordinære anlegg:

1. Dagsturhytta ved Kvernesvatnet

Nærmiljøanlegg:

1. Fleiraktivitets-område ved Lønnebakken. Prioriteringa føreset at dokumentasjon og finansieringsplan er i orden.

Dokument som er vedlagt:

Handlingsprogram 2021-2024

Tiltak 2014-2024

Dokument som ikkje er vedlagt:

Kommunedelplan for idrett, fysisk aktivitet og friluftsliv 2014-2024 for Samnanger kommune

Bestemmelser om tilskudd til anlegg for idrett og fysisk aktivitet – 2021

Søknader

Kva saka gjeld:

Søknader om spelemidlar skal i første omgang prioriterast politisk i kommunane. Deretter skal søknadane sendast vidare til fylkeskommunen for endeleg vedtak, i prioritert rekkefølge.

Kommunen skal sette opp ei oversikt over søknadane i to søknadsgrupper:

- Ordinære anlegg
- Nærmiljøanlegg

Ordinære anlegg vert definert som anlegg for organisert og eigenorganisert idrett og fysisk aktivitet. Nærmiljøanlegg vert definert som anlegg eller område for eigenorganisert fysisk aktivitet, som ligg i tilknytning til bu-og/eller opphaldsområde. Nærmiljøanlegg er berre utandørsanlegg.

I år er det kome inn ein søknad til ordinære anlegg og ein søknad om til nærmiljøanlegg. Samnanger kommune søker om tilskot til dagsturhytta (ordinære anlegg), og Lønnebakken grendalag søker om tilskot til fleiraktivitetsområde ved Lønnebakken (nærmiljøanlegg).

For å kunne søka om spelemidlar til ordinære anlegg er det ein føresetnad at anlegget er del av ein vedteken kommunal plan som omfattar idrett og fysisk aktivitet. For nærmiljøanlegg omfattar vilkåret berre anlegg med ei kostnadsramme over kr 600 000. For å fanga opp nye eller endra behov krev plan- og bygningsloven ei årleg rullering av handlingsdelen jf. § 11-1. Frist for kommunen å sende søknadane til fylkeskommunen er 15. januar 2022.

Vurderingar og konsekvensar:

Prioriteringa av spelemiddelsøknader skal vurderast ut frå kva for eit anlegg det er mest behov for. *Bestemmelser om tilskudd til til anlegg for idrett og fysisk aktivitet 2021* gjer ei oversikt over vilkår for å motta støtte frå ordninga. Kommunen si oppgåve er å sjå til at vilkåra er oppfylt, og gjera ei politisk prioritering av søknadane, før dei vert sendt vidare til Vestland fylkeskommune.

På grunn av stort etterslep i Vestland fylke vil ikkje tiltaka få prioritet før søknaden har vore fremja i tre år. Det er som regel få søknader å prioritera mellom i Samnanger. Det gjer at det vert naturleg å ha ei «kø-ordning», kor dei som søker på andre året etc. vert prioritert før nye søknader. Det er andre året søknad om tilskot til dagsturhytta vert fremja, og første året for fleiraktivitetsområde ved Lønnebakken. I og med at det berre er ein søknad per anleggskategori for 2022, vert begge søknadane prioritert som nummer ein.

Alle idrettsanlegg som får godkjent søknaden sin av Vestland fylkeskommune vil til slutt få spelemidlar, men det kan ta fleire år.

Tiltakslista er ei oversikt over kva kommunen ønskjer å få realisert i planperioden. Handlingsprogrammet stadfester kva tiltak kommunen ønskjer å prioritere.

